

# ԱՐՑԱԽ. ՓՈՐՉՈՒԹՅՈՒՆԸ ՇԱՐՈՒՆԱԿՎՈՒՄ Է

Լեոնային Ղարաբաղում օպերատիվ իրադրությունը մընում է անփոփոխ: Արդե՞ն որերորդ անգամ հարկ է լինում արձանագրել, որ գիշերային հրաձգությունը, հրկիզումները, գողությունները, որոնք, որպես կանոն, կատարվում են ազգամիջյան հողի վրա, ցավոք, այս կողմերի համար սովորական երևույթ են դարձել: Ըստ որում, պատահարներ են տեղի ունենում ինքնավար մարզի բոլոր շրջաններում:

Հակաօրինական գործողություններում յուրօրինակ առաջնությունը պատկանում է Ստեփանակերտի ծայրամասին՝ Կրկժան վայրին: Ահա դեկտեմբերի 13-ի լույս 14-ի գիշերն էլ այստեղ ավտոմատ և որսորդական հրացաններից կրակոցներ եղան ավանի ադրբեջանական մասից: Զարդվեց քաղաքացի Հարությունյանի տան լուսամուտի ապակին: Տուժածներ չկան:

Դեկտեմբերի 14-ին, մոտավորապես ժամը 1-ն անց 30 րոպեին Ասկերանի շրջանի Հասանաբաղ գյուղում մի անհայտ անձ պայթեցրել է միահարկ օժանդակ շինություն, որի հետևանքով այնտեղ եղած նույն շրջանի Դաշբույաղ գյուղի բնակիչ Արմեն Ավետ-

յանը աննշան մարմնական վնասվածք է ստացել:

Անհանգիստ էր նաև մախորդ օրերին: Այսպես, դեկտեմբերի 11-ին, ժամը 22-ն անց 10 րոպեին միաժամանակ բռնկվեցին Մարտակերտի շրջանի Առաջածոր գյուղի բնակիչներ Մամեդովի, Բարուշևի և Շիրինովի տները: Այստեղ նույնպես ոչ ոք չըտուժեց: Իսկ հրդեհը հանգրթին իրենք՝ գյուղացիները:

Դեկտեմբերի 12-ի լույս 13-ի գիշերը անհայտ անձինք թափանցել են Ասկերանի շրջանի Մաշտոցի անվան կոլտընտեսության կաթնապրանքային ֆերմա և գողացել 15 գլուխ խոշոր եղջերավոր անասուն: Տվյալ փաստի առթիվ քրեական գործ է հարուցվել: Մյուս հանցավոր ձեռնարկումների ստուգմամբ զբաղվում են ներքին գործերի Ստեփանակերտի քաղաքային և համապատասխան շրջանային բաժինները:

Ինչպես տեսնում ենք, այսօր ռեգիոնի իրադրության կայունացման մասին կարելի է միայն երագել: Առաջվա պես շրջափակված են ավտոճանապարհները, չի երթևեկում Բաքու—Ստեփանակերտ մարդատար գնացքը: Ծիշտ է, մարզային կենտրոնի երկա-

թուղային կայարանում սկսվում են վագոններ ստացվել տարբեր ժողովրդատնտեսական բեռներով, սակայն այդ թվացյալ «նվերներից» ոչ մի միսթարություն չկա, քանզի մարդիկ հիանալի գիտակցում են, որ բեռնատար երկաթուղային տրանսպորտի աշխատանքը ուղղակիորեն կախված է Արցախի վրա գործադրվող հիժային ճնշման տակտիկայից, որն իրականացնում է Ադրբեջանը միանգամայն որոշակի քաղաքական նպատակով՝ Ղարաբաղյան հիմնահարցի լուծում թույլ չտալու նպատակով:

Այսքան բարդ ժամանակահատվածում Լեոնային Ղարաբաղի հայ բնակչությունը գտնում է, որ անհրաժեշտ է ստավելագույն ջանքեր գործադրել Հայաստանի և Լեոնային Ղարաբաղի վերամիավորման վերաբերյալ Հայկական ԽՍՀ Գերագույն խորհրդի և ԼՂԻՄ-ի Ազգային խորհրդի համատեղ որոշման իրականացման համար: Հայ ժողովրդի ապագան միայն և միայն իր ձեռքին է:

Ա. ԳՐԻԳՈՐՅԱՆ  
(Արմենապրեսի սեփ. թղթ.)  
Ստեփանակերտ